

羅浮營

在欽州防城外一了十里嘉靖十九年因安南獻同四崗侵地後軍門

議于河洲社立一大營撥軍兵共二百名

以指揮或千百戶一員統率防守四崗地

方至二十八為夷寇范子儀所燬參將

俞大猷以河洲深入夷界呈請改建于此

思勒營

在欽州防城外九十里至羅浮營二

營以營去州治遠軍兵糧餉往來悉出夷

界又于江平地界設思勒冲包二小營互

相策應每營各撥軍兵五十名以千百戶

一員統領防守後參將俞大猷議廢冲包

營一

上扶龍營

在欽州點浪都通卡萬大山與廣西上思州接界又西八十里到西

牙坂崗等村與交趾思廩接界嘉靖十年

為上思州夷目趙盤趙溥作亂始立營于

此撥總旗一名領軍五十名守之知州林希元以非要地議罷分軍二十名守陸眼

營餘撤回守城

白皮營

在州東南白皮村與合浦分界正德八年彝賊入寇軍門命建之守以軍

快各二十五名知州林希元為有事安南復建尋廢

方家營

在欽州西方家村乃海舟停泊之處正德十三年彝賊于此登岸剽掠知

州李純始建防守後廢知州林希元為有事安南復建尋亦廢

煙通營

在州南煙通嶺之陽即沿海巡檢司舊址水通龍門海口海舟可至之處

知州林希元為有事安南始建後廢

埕坑營

在州東南烏雷嶺之北原無嘉靖十六年有事安南彝賊杜文莊泊舟烏

雷下以覘動息官軍捕獲知府張岳始立
營撥本衛旗軍五十名守之撤回既安南

事息營
隨廢

陸眼營

在州永樂鄉陸眼村與廣西宣化縣
武黎水口相接密邇四崗狼賊不時

越境行劫嘉靖十五年知州林希元申議
立營撥官軍五十一名并編宣化靈山附

近居民防守後以有事安南取回官軍惟
民守如故十八年復申前議撥上扶龍營

軍二十名以百戶一員領之重修其營仍
為記嘉靖二十六年宣化縣太平等畝民

與狼猺復行肆劫知州黃希白申議撤回
軍士召狼兵三十名百戶領之

黃觀營

在州新立鄉狼兵九十名防
守以陸眼營百戶兼統之

那廼營

在州菩提鄉狼兵七十五名
防守以陸眼營百戶兼統之

八角營

在州西鄉召狼兵一百二十名防守以百戶一員領之

那邏營

在州西鄉召狼兵一百名防守以八角營百戶兼統之

團圍營

在州西鄉召狼兵四十五名防守以八角營百戶兼統之

總捕營

在陸眼村新立等鄉東跨雷州西南跨欽州北跨廣西宣化諸縣

以上六營俱嘉靖二十六年知州黃希白因廣西宣化等縣民徭作寇申議軍門建立每歲于南寧廉州二府推委衛指揮一員帶軍六十名上下輪流提調陸眼等六營官兵哨守

那蘇營

在欽州如昔都與交趾萬寧州接界如昔崗長黃鳳陽居此知州林希元

為有事安南于此建營召雷州衛軍二百名守之十七年安南事息撤回

鳳口營

去州治三十里
鳳凰山下後廢

團光營

在州永樂鄉萬曆三十
年新設哨官領之

那暮營

在靈山縣東南二百五十里博殺鄉
僉事林錦建年久傾圮嘉靖三十三年

年知府何

御議復

格木營

在靈山縣西南一百里下安業鄉欽
靈往來之衝天順間盜賊出沒僉事

林錦建後賊

平營亦廢

丹竹營

在靈山縣南一百七十里上安業鄉
為烏家驛之交險塞蒙翳寇盜防伏

嘉靖十五年知府張岳建撤新寮堡軍士

二十名防守二十三年營被水冲崩三十

四年知府何御

建設于高阜處

譚家營

去靈山縣東十五里上武安鄉天順六年僉事林錦建正德四年僉事李

瑾調永安所官軍防守嘉靖十二年僉事王崇以地方無事撤回

團河營

在靈山縣一百九十里西鄉中寧都僉事林錦都指揮歐磐同建調官軍

防守以衛安寧上中下三都之民故也正德後地方無事營堡遂廢今遷西鄉巡檢

司於此

山心營

縣北二十里宋泰鄉徭賊出沒處與洪崖堡互相守望

管根營

縣西一百二十里下甲鄉為宣化縣五六畝賊患而設

羊角營

縣西南一百二十里上及鄉近宣化五六畝而設以上錄舊

墩臺

川江墩

府東南八十里川江村前

隴村墩

府東南七十里隴村寨前

珠場墩

府東南七十里珠場港口

調阜墩

府東七十里黃稍村前

白龍墩

府城南七十里城內有採珠內監衙門珠場巡檢司衙門及東鹽場大使

衙門後鹽場大使衙門遷于東寨川江村係管鹽丁

武刀墩

府南四十里武刀村

龍潭墩

府南五十里下村海崖邊即龍潭寨

程徑墩

府南五十里

望子墩

府南六十里高嶺上
即冠頭嶺大海旁

石子墩

府南六十里
龐屋村前

深路墩

府南六十里

安寧墩

離城十里即西江水下
乾體哨兵船駐劄之所

草頭墩

府西南二十里
獨江村前

高德墩

府城南三十里
高德港口

崩沙墩

府南四十里
小嶺村西

珊瑚墩

府西二十五里
過上洋舖

白虎墩

府南五十里
飲馬村前

箒捍墩

府西三十里
烏家村前

大樹墩

府西四十里
箔寮村

鯊港墩

府西五十里
即西場墟此墩低下遷
西場后嶺上能望見鴉埔連塘等處

那隆墩

府西五十五里
係西場
那隆村前

葛蔴墩

府西六十里
葛蔴村前

新設墩

崇禎九年冬巡道張國經議建

烏家舖

西賊常自馬頭嶺
下三十里至此

鴉涌村

距烏家
十五里

連塘村

距鴉埔
五里

西場後嶺上

距連塘五里
此為西場設也

進牛嶺墩

界府城石康之中
此為石康設也

以上俱合浦

舊志云按廉州墩墩墩墩總二十一所曰安寧
 獨江卽草頭墩高德飲馬卽白虎墩龍潭
 武刀珠場係舊設曰冠頭白沙隴村川江
 則知府張岳爲安南建也內安寧獨江高
 德三墩地方有警只係村民防守冠頭望
 子墩本衛撥軍十名兼村民防守其餘各
 墩平時則寨軍守有警則村民協守
 蓋邊海禦寇之地故嚴重焉

茶山墩

州東南十里茶山嶺嘉靖十六年有事安南故立

青鳩墩

州西南三十里木蘭村旁

金竹墩

州西北三十里水通交趾

大鹿墩

在大海中東欽州西交趾

小鹿墩

在大鹿下

龕羅墩

在防城與永安界以上早廢

施家墩

州南三十里

尖山墩

州南十里

何家墩

州東南二十里